

Rapport vun der Kommissioun fir de Klima a nohalteg Entwécklung

Sëtzung vum 28 Januar 2026

Präsenzen

| Present (Quorum 50% , ≥6) | Net present | Observateuren a Experten |
|---------------------------|-------------------------------|--------------------------|
| Luc ELSÉN | Thierry EVERAD (entschëllegt) | |
| Patrick EVERARD | Louis MALHERBE (entschëllegt) | |
| Carlo KOEPP (Rapport) | Louis MEYER (entschëllegt) | |
| Patrick KRAEMER | Joske VOSMANN (entschëllegt) | |
| Gilles WETZEL | | |
| Pascal WIRTZ | | |
| Carole WINTERSDORF | | |

Dagesuerdnung

Déi follgend Dagesuerdnung gouf op d'mannst 2 Deeg virun der Sëtzung un d'Memberen (developpement.durable@helperknapp.lu) an op odj@helperknapp.lu verschéckt, respektiv nodréiglech, op Ufro vu Memberen oder dem Schäfferot, ugepasst

1. Begréissung, Presenzelëscht
2. Rapport vum 9 Dezember 2025
3. Retouren an Demanden aus der Gemeng
4. Repair Café – Zukünfteg Organisatioun
5. Divers
6. Nächst Sëtzung

Punkt 1 : Begréissung, Präsenzëlëscht

7 vun 11 Memberen ware präsent.

Punkt 2 : Rapport vum 9 Dezember 2025

De Rapport gouf approvéiert.

Punkt 3 : Retouren an Demanden aus der Gemeng

Sekretariat vun der Gemeng huet verschidden Retouren geschéckt betreffend:

- de Repair Caféen, fir d' Datumer op engem Flyer ze bündelen, fir d'Verdeelen ze reduzéieren
- der Prozedur fir d' Benotzen vun den Affichen-Panneauen am den Uertsagäng, och hei am Kader vum Repair Café. Mir kruten d' Formularen zouggeschéckt.
- den asiateschen Harespelen, notamment wat Bedeelegungen vun der Gemeng un den Onkäschten ubelaangt. D' Kollegen aus der Ëmweltkommissioun hu schonn eng Réckmeldungen vun der Gemeng kritt.

Punkt 4: Repair Café – Zukünfteg Organisatioun

Den nächsten Repair Café den 28 Februar war schonn an der leschter Sëtzung festgeluecht ginn. Mir hunn elo déi 2 aner Terminer fir 2026 definitiv festgehalten:

- Mëttwoch 3 Juni als Afterwork Repair Café vun 17h- 20h
- Samschdeg den 10 Oktober vun 9h-13h

Des weideren hu mir decidéiert fir ee Komitee op d' Been ze stellen, deen zukünfteg d' Organisatioun vun de Repair Caféen iwwerhëlt! Dat kann an 2 Phasen geschéien: fir d'éischt ee Komitee billen an duerno eventuell ee Veräin.

Banderollen wou een Datum, Auerzäit an Plaz wiessele kann musse nach designéiert an bestallt ginn.

5: Divers

De Patrick Everard huet matgedeelt, datt hien am Austausch mam Philippe Chenneau eng E-Mail krut betreffend d'Iddi, an der Gemeng e Business-Stammdësch fir lokal Betriber z'organiséieren.

An der Reunion gouf doriwwer interesséiert diskutéiert. Dobäi hu mir eis gefrot, wéi eng Betriber genee gemengt sinn, well mir keen detailléierten Iwwerbléck haten, wéi vill et der an eiser Gemeng gëtt. Wichtig ass och ze klären, wien dorunner deelhëlt, wéi eng Sujeten ugeschwat ginn a wéi eng konkret Plus-Value fir déi eenzel Betriber entstoent kann.

No weideren Informatiounen si sämtlech Betriber a Commercen gemengt, jiddereen kann deelhuelen dorënner Handwerk, Agrikultur, Café- a Restauratioun, Gesondheitssecteur, Assurancen, Wunnen a Bauen, Kierperfleeg, asw.

De Stammdësch riicht sech u Verrieder aus de Betriber. Jee nodeem kéinten och Verrieder aus der Gemeng, enger Kommissioun oder op Invitatioun en externen Expert dobäi sinn.

D'Sujeten kéinten aus verschiddene Beräicher kommen, wéi Energie, Ëmwelt, Bürokratie, Ekonomie a weider relevant Themen.

Eventuell Ziler vum Stammdësch wieren ënner anerem:

- sech kennenzéieren an sech auszetauschen
- Praxisbeispiller („Best Practice“) ze deelen
- d'Bewosstsinn an eventuell d'Kompetitivitéit ze stäerken
- zesummen no Léisungen ze sichen
- Käschten a Ressourcë besser ze notzen
- bürokratesch Ufuerderungen besser ze maîtreséieren

D' Kommissioun jiddefalls approvéeiert dës Iddi.

6: Nächst Sëtzung

Déi nächst Sëtzung ass den 18 Mäerz 2026 um 19h30 an der Koll (muss nach bestätegt ginn).

Méiglech Punkten awer fir Dagesuerdnung:

1. Retouren, Demanden aus der Gemeng
2. Repair Café
3. Visite Energie Park
4. Divers

Wann dir weider Virschléi huet, schéckt se gären un eise President.